

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
-Stručna služba Općinskog
vijeća i Općinskog načelnika-



Broj: 01-155/10
Vareš, 3.8. 2010. godine

Z A P I S N I K
s 20. sjednice Općinskog vijeća Vareš,
održane 30.06. 2010. godine

Milan Knežević – zamjenik predsjedavajućeg Općinskog vijeća Vareš, otvorio je 20. sjednicu s početkom u 9 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutna vijećnica. Jelena Kuhač Odenwald.

Pored vijećnika sjednici prisustvuju: općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, općinska pravobraniteljica Sanja Pavlić, šef odsjeka za financije i računovodstvo Boro Anđić, predsjednici političkih stranaka, te direktori JP i JU dr. Anto Jelić, Jasmina Šijak, predsjednik Upravnog odbora JU Dom zdravlja Vareš Edhem Aščerija i predsjednik MZ Dabravine Rasim Kamenjaš.

Općinski načelnik Hamdo Fatić izvijestio je Vijeće o aktualnoj problematici na području općine Vareš. Upoznao ih je da je završen spomenik šehidima u MZ Striježevo i lokalni put Ravne – Crna Rijeka. Upoznao je Vijeće o sredstvima koja su aktualna na lokalnim cestama i regionalnom putu u općini Vareš i da je Vlada Federacije donijela odluku da iz sredstava dobiti BH operatera i dobiti iz licence „Eroneta“, u iznosu od 700.000 KM, usmjere sredstva u iznosu od 500.000 KM za lokalni put MZ Borovica i 200.000 KM za lokalni put Očevija – Mižnovići. Napomenuo je da su procedure za lokalni put MZ Borovica u toku, a da će proceduru za lokalni put Očevija – Mižnovići, provesti Kanton. Izvijestio je Vijeće da je Ministarstvo prometa i komunikacija kantona odlučilo da u skorije vrijeme počne sa realizacijom ugovora u vezi radova na regionalnom putu Šimin Potok – Podkamensko, da će se u ovoj godini realizirati 200.000 KM, te da će poslovi brzo početi. Podsjetio je Vijeće na ESCROW-a sredstva u iznosu od 300.000 KM, koja su od Općine Vareš bila predložena za regionalni put i naglasio da je Vlada kantona promijenila odluku i donijela novu odluku kojom je 100.000 KM odobreno za lokalni put Očevija – Mižnovići, 100.000 KM za lokalni put Pržići – Daštansko i 100.000 KM za lokalni put Striježevo – Kokošćići. Izvijestio je Vijeće da su ostali projekti oko gradnje vodovoda u Ravnama u toku i da će OV biti informirano o završetku tih radova.

Tajnik Općinskog vijeća izvijestio je Vijeće o realizaciji Zaključaka s prošle sjednice Vijeća i dostavljenim odgovorima na vijećnička pitanja. OV je donijelo 17 zaključaka, 4 preporuke i postavljeno je 10 vijećničkih pitanja. Od 17 zaključaka koje je donijelo OV, 3 zaključka su realizirana, 11 zaključka su u toku realizacije, a za 3 zaključka Služba nije obaviještena niti ima saznanja šta je sa njihovom realizacijom. Sa 4 preporuke koje je donijelo OV, upoznat je općinski načelnik. Od 10 postavljenih vijećničkih pitanja, pismeno je odgovoreno na 5 pitanja, a na 5 pitanja nije dostavljen nikakav pismeni odgovor, niti Služba ima podatke da su nadležni odgovorili na postavljena vijećnička pitanja sa prošle sjednice Vijeća.

(Vijećnička pitanja)

Elvir Rožajac

Podsjetio je OV da još uvijek nije sanirana oštećena ograda na mostu u ul. Rudarska.

1. Traži da nadležna služba izvrši uviđaj na mostu u ul. Rudarska i da se pristupi adekvatnoj sanaciji oštećene ograde, jer je ugrožena sigurnost prolaznika.
2. Šta je sa asfaltiranjem gradskih ulica?

Izudin Ibrišimović

3. Kada će se pustiti u rad terenska ambulanta u MZ Ravne?

Ismet Abdulahović

Podsjetio je na amandman na Nacrt Lokalnog ekološkog plana, koji je OV usvojilo, da se urade autobuska stajališta na reg. putu na području općine Vareš, od MZ Dabravine do općine Vareš.

4. Zašto se ne rade autobuska stajališta i da li će se raditi?

Džemo Kevrić

5. Traži da se konačno riješi problem prostorija za rad kluba BPS unutar općine u toku održavanja sjednica Vijeća i problem prostorija za rad stranke?
6. Kada će početi radovi na sanaciji dijela lok. puta Kokošćići?
(Općinski načelnik usmeno dao odgovor odmah nakon postavljenog pitanja.)

Tajiba Brkić

7. Da li ima sredstava za sanaciju i ostalih lokalnih puteva, jer postoje lokalni putevi koje treba sanirati hitno?

Ivan Lučić

8. Kada će se početi primjenjivati, odnosno poštovati Zaključak OV, vezano za realizaciju zaključaka i odluka donesenih od strane Općinskog vijeća.

Nakon vijećničkih pitanja na raspravu je stavljen zapisnik s 19. sjednice Općinskog vijeća.

Nije bilo primjedbi i zamjenik predsjedavajućeg je stavio na izjašnjavanje zapisnik, a nakon izjašnjavanja vijećnika konstatirao da je **jednoglasno usvojen zapisnik s 19. sjednice Općinskog vijeća Vareš.**

Na raspravu je stavljen prijedlog dnevnog reda iz poziva za 20. sjednicu OV.

Općinski načelnik Hamdo Fatić – kao ovlaštenu predlagач povukao je prvu (1.) točku sa dnevnog reda 20. sjednice OV .

Zamjenik predsjedavajućeg je stavio na glasanje predloženi dnevni red.

Nakon izjašnjavanja vijećnika konstatira da je **jednoglasno usvojen s l i j e d e ć i**

D n e v n i r e d

- 1. Prijedlog Rješenja o izmjeni i dopuni Rješenja o imenovanju Stručne komisije za procjenu prometne vrijednosti nekretnina.**
- 2. Izvješće o radu Općinskog pravobraniteljstva Vareš za 2009. godinu.**
- 3. Izvješće o zdravstvenom stanju stanovništva i organizaciji zdravstva na području Općine Vareš u 2009. godini.**
- 4. Izvješće o radu Opće biblioteke Vareš za 2009. godinu s pregledom ostvarenih prihoda i izvršenih rashoda u 2009. godini.**
- 5. Informacija o prikazu planiranih i ostvarenih prihoda i rashoda po ekonomskim kategorijama općine Vareš za prvi kvartal 2010. godine.**
- 6. Elaborat o stanju lokalne putne mreže na području općine Vareš i o potrebnim financijskim sredstvima za zimsko i ljetno održavanje cesta.**
- 7. Informacija o provođenju Omladinske politike na području općine Vareš.**
- 8. Tekuća pitanja.**

Ad. 1.

*(Prijedlog Rješenja o izmjeni i dopuni Rješenja o imenovanju
Stručne komisije za procjenu prometne vrijednosti nekretnina)*

Predlagач nije imao potrebe za dopunske informacije.

Po ovoj točki dnevnog reda nije bilo rasprave i zamjenik predsjedavajućeg stavio je Prijedlog Rješenja o izmjeni i dopuni Rješenja o imenovanju Stručne komisije za procjenu prometne vrijednosti nekretnina na izjašnjavanje, te nakon izjašnjavanja vijećnika, konstatira da je **jednoglasno usvojeno**

***Rješenje o izmjeni i dopuni Rješenja o imenovanju
Stručne komisije za procjenu prometne vrijednosti nekretnina.***

Ad. 2.

(Izvješće o radu Općinskog pravobraniteljstva Vareš za 2009. godinu)

Općinska pravobraniteljica Sanja Pavlić, obrazložila je ovu točku dnevnog reda.

Otvorena je rasprava u kojoj su svoje sugestije i primjedbe iznijeli vijećnici: Dženana Bešić, Mario Mirčić, Elvir Rožajac, Džemo Kevrić, Ivan Lučić, Ismet Abdulahović, Jelena Zlobec, te predsjednik političke stranke – Branko Romić.

Nakon rasprave na izjašnjavanje je stavljeno Izvješće o radu Općinskog pravobraniteljstva Vareš za 2009. godinu i nakon izjašnjavanja konstatirano je da je sa 13 glasova ZA, 6 glasova PROTIV i 1 SUZDRŽANIM glasom **usvojeno**

Izvješće o radu Općinskog pravobraniteljstva Vareš za 2009. godinu

Predsjedavajući OV je preuzeo dalje vođenje sjednice.

Ad. 3.

*(Izvješće o zdravstvenom stanju stanovništva i organizaciji
zdravstva na području Općine Vareš u 2009. godini)*

Predlagač nije imao potrebe za dodatnim obrazloženjem.

Otvorena je rasprava u kojoj su svoje primjedbe i sugestije iznijeli predsjedavajući OV i vijećnici: Ivan Lučić, Nikola Šimić, Elvir Rožajac, Ismet Abdulahović, Jasmin Salketić i Jelena Zlobec.

Anto Jelić – ispred predlagača i predsjednik Upravnog odbora JU Edhem Aščerija nakon rasprave, iznijeli su dodatno obrazloženje za ovu točku dnevnog reda i odgovorili na pitanja vijećnika postavljena u raspravi.

Predsjedavajući OV zaključio je raspravu i stavio na izjašnjavanje Izvješće o zdravstvenom stanju stanovnika i organizaciji zdravstva na području Općine Vareš u 2009. godini uz **preporuku menadžmentu Doma Zdravlja Vareš, da ispita mogućnost nabavke mobilne terenske ambulante**, te nakon izjašnjavanja vijećnika, konstatira da je **jednoglasno usvojena predložena preporuka i**

***Izvješće o zdravstvenom stanju stanovništva i organizaciji
zdravstva na području Općine Vareš u 2009. godini***

Na osnovu rasprave i prijedloga datih u toku rasprave po Izvješću, predsjedavajući je predložio da OV donese slijedeće:

Z a k l j u č k e:

- 1. Obvezuje se općinski načelnik da putem sanitarnog inspektora u suradnji sa Kantonalnom upravom za inspekcijske poslove, istraže problem formalne ovjere sanitarnih knjižica i obavljanja sanitarnih pregleda**

uposlenih u uslužnim djelatnostima i da pronađu rješenje da se ovakva negativna praksa prekine.

2. Obvezuje se općinski načelnik, pošto je način korištenja sekundarne i tercijalne zdravstvene zaštite na području ZE-DO kantona u suprotnosti sa Poveljom o ljudskim pravima, koja je sastavni dio Ustava i u skladu s tim, utvrdi mogućnost i da putem Konferencije Saveza općina i gradova FBiH, pokrene Inicijativu o podnošenju ustavne tužbe ukoliko se ne postigne suglasnost, da se ovo pitanje razriješi kako to i tretira Ustav FBiH, ukoliko ono nije riješeno novim odredbama Federalnog zakona o zdravstvenoj zaštiti.

Predsjedavajući OV stavio je predložene zaključke na izjašnjavanje, te nakon izjašnjavanja vijećnika konstatira da su **predloženi zaključci jednoglasno usvojeni**.

Ad. 4.

*(Izvješće o radu Opće biblioteke Vareš za 2009. godinu
s pregledom ostvarenih prihoda i izvršenih rashoda u 2009. godini.)*

Jasmina Šijak – ispred predlagača iznijela je dodatno obrazloženje za ovu točku dnevnog reda.

Otvorena je rasprava u kojoj je učestvovao vijećnik Elvir Rožajac.

Zaključena je rasprava i predsjedavajući OV stavio je na izjašnjavanje Izvješće o radu Opće biblioteke Vareš za 2009. godinu s pregledom ostvarenih prihoda i izvršenih rashoda u 2009. godinu, uz zaključak, odnosno aktualizaciju Zaključka OV iz ranijih godina, **da općinski načelnik nastavi dalje aktivnosti na iznalaženju prostora trajnog smještaja za Opću biblioteku Vareš**, te nakon izjašnjavanja vijećnika, konstatira da je **jednoglasno usvojen predloženi Zaključak i**

*Izvješće o radu Opće biblioteke Vareš za 2009. godinu
s pregledom ostvarenih prihoda i izvršenih rashoda u 2009. godini*

Ad. 5.

*(Informacija o prikazu planiranih i ostvarenih prihoda i rashoda
po ekonomskim kategorijama općine Vareš za prvi kvartal 2010. godine)*

Predlagač nije imao potrebe za dodatnim obrazloženjem.

Otvorena je rasprava u kojoj je učestvovao vijećnik Džemo Kevrić.

Boro Anđić - ispred predlagača, nakon rasprave dao je dodatno obrazloženje za ovu točku dnevnog reda.

Zaključena je rasprava i predsjedavajući OV stavio je na izjašnjavanje Informaciju o prikazu planiranih i ostvarenih prihoda i rashoda po ekonomskim kategorijama općine Vareš za prvi kvartal 2010. godine, te nakon izjašnjavanja vijećnika, konstatira da je sa 13 glasova ZA i 6 SUZDRŽANIH glasova **usvojena**

***Informacija o prikazu planiranih i ostvarenih prihoda i rashoda
po ekonomskim kategorijama općine Vareš za prvi kvartal 2010. godine***

Ad. 6.

*(Elaborat o stanju lokalne putne mreže na području općine Vareš
i o potrebnim financijskim sredstvima za zimsko i ljetno održavanje cesta)*

Predlagač nije imao potrebe za dodatnim obrazloženjem.

Otvorena je rasprava u kojoj su učestvovali predsjedavajući OV i vijećnici: Ivan Lučić, Željko Matić, Mario Mirčić, Jasmin Salketić, Elvir Rožajac, Džemo Kevrić, Dženana Bešić, Tajiba Brkić i Mato Pavić.

Ermin Musa – ispred predlagača, dao je dodatno obrazloženje i odgovorio na postavljena pitanja vijećnika iz rasprave.

Predsjedavajući OV zaključio je raspravu i stavio je na izjašnjanje Elaborat o stanju lokalne putne mreže na području općine Vareš i o potrebnim financijskim sredstvima za zimsko i ljetno održavanje cesta uz

Z a k l j u č k e:

- 1. Da nadležna služba, do naredne sjednice OV uradi dopunu Elaborata o stanju lokalne putne mreže na području općine Vareš i o potrebnim financijskim sredstvima za zimsko i ljetno održavanje cesta gdje bi u dopuni bile evidentirane odnosno uključene i ostale ceste na području općine Vareš koji nisu obuhvaćeni važećom Odlukom o kategorizaciji cesta i da u suradnji sa Savjetima MZ dođu do podataka, evidentiraju i uvrste minimum cesta do naseljenih mjesta za kojima postoji potreba za stalnim održavanjem kao i cesta za koje ne postoji potreba za njihovo stalno održavanje.**
- 2. Obavezuje se općinski načelnik da do kraja tekuće godine izradi sve potrebne akte, programe i planove na koje ga obavezuje Zakon o cestama i da ih predloži OV na usvajanje.**
- 3. Da se razmotri mogućnost iznalaska dodatnih sredstava za financiranje zimskog i ljetnog održavanja cesta na području općine Vareš.**

Nakon izjašnjanja vijećnika, predsjedavajući konstatira da su sa 18 glasova ZA i 1 SUZDRŽANIM glasom **usvojeni predloženi zaključci i**

***Elaborat o stanju lokalne putne mreže na području općine Vareš
i o potrebnim financijskim sredstvima za zimsko i ljetno održavanje cesta***

Ad. 7.

*(Informacija o provođenju Omladinske politike
na području općine Vareš)*

Predlagač nije imao potrebe za dodatnim obrazloženjem.

Otvorena je rasprava u kojoj su svoje sugestije i primjedbe iznijeli predsjednik Komisije za pitanja mladih Mesić Mirnes, vijećnici: Elvir Rožajac, Dženana Bešić, Ismet Abdulahović i Tajiba Brkić, te predsjednik političke stranke Branko Romić.

Rusmir Berberović – ispred predlagača dao je objašnjenja na iznesene sugestije i primjedbe.

Zaključena je rasprava i predsjedavajući OV stavio je na izjašnjavanje Informaciju o provođenju Omladinske politike na području općine Vareš, te nakon izjašnjavanja vijećnika, konstatira da sa 1 glasom ZA, 14 glasova PROTIV i 4 SUZDRŽANA glasom **nije usvojena**

***Informacija o provođenju Omladinske politike
na području općine Vareš***

Predsjedavajući OV predložio je da zaključke Komisije za pitanja mladih sa 3. sjednice održane dana 29.06. 2010 .godine pod rednim brojem 3. i 5., Općinsko vijeće usvoji kao zaključke OV, a to su:

- 1. Predlaže se Općinskom vijeću da zaduži nadležnu službu općine da pripremi novi dokument Strategija Omladinske politike za period 2011-2015 godina sukladno Strategiji Omladinske politike ZE-DO kantona i Zakonu o mladima u Federaciji BiH.**
- 2. Predlaže se OV da nadležna služba općine sačini Izvješće o provođenju dokumenta Omladinska politika općine Vareš 2008-2010 godina i isti dostavi na razmatranje OV u mjesecu januaru 2011. godine, s obzirom da je i dokument rađen zaključno sa 2010. godinom.**

Predsjedavajući OV je na izjašnjavanje stavio predložene zaključke, te nakon izjašnjavanja, konstatira da **su jednoglasno usvojeni predloženi zaključci.**

Ad. 8.

(Tekuća pitanja)

1. Predsjedavajući OV dao je riječ pomoćniku načelnika za društvene djelatnosti Rusmiru Berberoviću koji je upoznao Vijeće o završetku Projekta Festival „Sedmica Bosanskih kraljeva“ i izvijestio OV o terminu održavanja manifestacije u našem gradu. Pozvao je Vijećnike i građane općine Vareš da se pridruže ovoj manifestaciji.
2. Predsjedavajući OV podsjetio je Vijeće o Informaciji o predstojećoj suradnji sa Projektom GAP i njihovoj zahvali za uspješno okončanje prvog dijela projekta.
3. Predsjedavajući OV upoznao je Vijeće sa sadržajem Zahtjeva zbora građana MZ Dabravine za poništenje odluke o predaji mjesnog vodovoda MZ Dabravine na održavanje i upravljanje JKP Vareš, kao i sa sadržajem Izvješća o izvršenim poslovima na vodovodu Dabravine, koje je JKP d.o.o. Vareš, na traženje općinske službe za prostorno uređenje i obnovu, dostavilo istom.
Nakon sprovedene rasprave, predsjedavajući OV predložio je preporuku Vijeća:

-Da menadžment i Nadzorni odbor JKP d.o.o. Vareš hitno dostave OV svoj prijedlog cijena za vodovode, na području općine Vareš, kojima upravlja i da kod prijedloga vodi računa o specifičnostima i razlikama i da takve kalkulatívne cijene i ponudi Vijeću na razmatranje.

Nakon izjašnjavanja vijećnika, predsjedavajući OV konstatira da **predložena preporuka nije usvojena.**

4. Vijećnik Ivan Lučić, podsjetio je Vijeće da se u računima za komunalne usluge - vodu, fakturiše i iznos za plaćanje naknade za mjerno mjesto po Odluci koju je donijelo JKP d.o.o. Vareš, te smatra da JKP d.o.o. Vareš nije moglo donijeti Odluku o povećanju komunalne usluge bez suglasnosti OV s toga je predložio slijedeće:

Z a k l j u č k e:

- 1.) **Obvezuje se Nadzorni odbor JKP d.o.o. Vareš, da povuče svoju Odluku koju je donijelo i ako smatraju neophodno da se uvede paušalna naknada za mjerno mjesto, da se sa tim prijedlogom obrate OV i da Vijeće o tome donese odluku.**
- 2.) **Obvezuje se JKP d.o.o. Vareš da OV dostavi kalkulaciju cijena komunalnih usluga na razmatranje i da Vijeće donese odluku o tome, a da se građani koji su platili vodu po računima JKP d.o.o. Vareš (gdje je naznačena naknada za mjerno mjesto u visini od 1,50 KM) obeštete kod dostave računa u narednom periodu.**

Predsjedavajući OV stavio je na izjašnjavanje predložene Zaključke, te nakon izjašnjavanja konstatira da su sa 14 glasova ZA i 1 SUZDRŽANIM glasom **predloženi zaključci usvojeni.**

5. Vijećnik Željko Matić izvijestio je Vijeće o učestalim pljačkama trgovinske radnje u MZ Vijaka.
Predsjedavajući OV je predložio zaključak:

1.) Traži se od Policijske stanice Vareš da pojačaju nadzor na terenu MZ Vijaka i da poduzmu sve što je u njihovoj moći i nadležnosti da se počinio otkriju i da budu procesuirani.

Nakon izjašnjavanja vijećnika, predsjedavajući OV konstatira da je **jednoglasno usvojen predloženi zaključak.**

6. Vijećnik Jasmin Salketić obratio se općinskom načelniku i pomoćniku općinskog načelnika za društvene djelatnosti sa pitanjem da li se u općini vode aktivnosti povodom obilježavanja genocida u Srebrenici i da li je bilo zahtjeva za pomoć.
Općinski načelnik je dao odgovor na postavljeno pitanje vijećnika.
7. Vijećnik Nikola Šimić traži od nadležnih, pošto je rijeka Stavnja nizvodno crvena, da se odgovori što se dešava sa jezerom „Nula“, da li je došlo do začepjenja prelivnih voda i gdje voda otiće.
Napomenuo je da je u toku berba i otkup šumskih plodova i da se veliki broj ljudi kreće po okolnim terenima, tj. privatnim posjedima, i traži da se ispita zakonski tko može vršiti otkup šumskih plodova.

Općinski načelnik je dao objašnjenje i odgovore na postavljena pitanja vijećnika.

Sjednica je završena u 15 sati i 53 minuta.

T A J N I K

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović